

muniri. Preterea sicut ea, que nunc prenominati fideles nostri in regalibus nostris habent, eis plene donavimus, et que de cetero legitime adepti fuerint, concessimus et integre donavimus.

Huius rei testes sunt Conradus Magontinus archiepiscopus, Hermanus Verdensis episcopus, Hermanus Erfeldensis abbas, Henricus curie protonotarius, Otto palatinus comes de Vitelinespac^a, Burcardus prefectus Magdeburgensis, comes Gebardus de Lucemberg, comes Marcwardus de Grombac, Enricus mariscalcus.

Signum Federici Romanorum imperatoris invictissimi.

Ego Cristianus cancellarius vice Reinaldi Coloniensis archiepiscopi et Italie archicancellarii recognovi.

Acta sunt hec anno dominice incarnationis 1163, indictione undecima, regnante domino Federico Romanorum imperatore gloriosissimo anno regni eius 11, imperii vero octavo. Datum Papie quarto Nonas Decembris.

Friedrich II. bestätigt genannten Rittern von Sannazaro die Urkunde Friedrichs I.

1219 September 13, Hagenau.

Federicus divina favente clementia Romanorum rex semper augustus et rex Sicilie.

Iustitia exigit et ratio postulat, ut nostra regia benignitas iustis precibus et votis fidelium aures suas benigne accomodet, illorum precipue, quorum studio, quorum labore, quorum etiam fidelitate honor et gloria imperii quotidie augmentantur et ad pristine dignitatis nitorem cum sua plenitudine reformantur. Eapropter cognoscant universi fideles imperii per Italiam constituti presentes et futuri, quod nos fidelium nostrorum militum de Sancto Nazario, Assaliti videlicet et filiorum eius; Guidonis Rainerii, Burgondi, Gulielmi et Conradi fratrum, filiorum quondam Raineri; Norandi, Conradi et Assaliti fratrum, filiorum quondam Guidonis; Bonifacii, Henrici et Raineri atque Burgondi fratrum, filiorum quondam Assaliti, et nepotum eorum, fidelitatem pre oculis habentes et magna eorum et antecessorum sive maiorum eorum defunctorum servitia in memoria retinentes, que ipsi cum detrimento rerum et periculo personarum nobis et felicis memorie avo et patri nostro et^b imperio exhibuerint, tam ipsos quam eorum omnia pertinentia eis sub nostra tuitione et defensione suscepimus u. s. w., wie in der Urkunde Friedrichs I.

Datum apud Agenowe etc.^c

a) Vitelinus Parc. b) Fehlt. c) Das Datum 1219 *Settembre* 13 steht an der Spitze des Textes; wie die originale Fassung lautete, lässt sich nicht sagen.